

BUDŽET ZA GRAĐANE

2023. godina



www.starigrad.ba



mr. Ibrahim Hadžibajrić

Općinski načelnik

Dragi građani i građanke

predstavljamo vam šesti "Budžet za građane" Općine Stari Grad Sarajevo za 2023. godinu i nadamo se da ćete zahvaljujući ovom dokumentu imati jasniji uvid u način planiranja, prikupljanja i trošenja budžetskih sredstava. Budžet općine je jedan od najvažnijih dokumenata koji predstavlja plan prihoda i rashoda za jednu poslovnu godinu. Budžet je kompleksan dokument i nije lako razumljiv građanima, te upravo zbog toga "Budžet za građane" ima za cilj da vam na jednostavan i razumljiv način pokaže kako se raspoređuju budžetska sredstva, te da putem njega pratite realizaciju postavljenih ciljeva.

Ovaj dokument pomoći će vam i da razumijete koje su to nadležnosti koje općina, kao jedinica lokalne samoprave ima, kao i koje su to oblasti za koje izdvajamo značajna sredstva iako ne spadaju u našu nadležnost. Razlog zbog kojeg to činimo je da bismo vam omogućili što kvalitetnije uslove života i olakšali vam svakodnevnicu.

Planiranje i raspored budžeta je kompleksan posao, pogotovo u sredini kao što je naša gdje su očekivanja mnogo veća od realnih mogućnosti. Ovaj dokument ima za cilj da na slikovit način prikaže koliko je zapravo teško odlučiti šta su prioritete, te će vam istovremeno pokazati kako i na koji način se Vi kao pojedinci možete uključiti u kreiranje budžeta i da na taj način date svoj doprinos.

Priliku za učestvovanje u kreiranju budžeta svi građani sa područja općine Stari Grad imaju u osmom mjesecu (augustu) kada budžetski korisnici podnose našoj Službi za finansije zahtjeve za narednu godinu, a kroz te zahtjeve mogu biti ispoljene i potrebe građana koji djeluju putem NVO-a i udruženja. Šansa koju ne smijete propustiti je javna rasprava na Nacrt budžeta Općine Stari Grad koja može trajati od 15 do 30 dana, a kada u pisanoj formi možete dati sve svoje prijedloge nadležnoj službi. Oni će biti razmotreni i izvršeni u budžet u razumnim granicama.

Uvijek vam na raspolaganju stoje i naše mjesne zajednice koje su vaša direktna veza sa Općinom i kojima je posao da nam prenose vaše zahtjeve.

Kreiranjem budžeta na ovakav način pomoći ćete i nama da utvrdimo prioritete i ono što je građanima uistinu najpotrebnije. U konačnici, vaše aktivnije uključivanje u budžetski proces rezultirat će kvalitetnijim upravljanjem lokalnom zajednicom.

Vaš načelnik,

Šta je budžet za građane?

Budžet je ključni instrument pomoću kojeg Općina provodi svoju politiku u djela. Godišnji budžet je obično veoma kompleksan dokument koji je teško razumljiv velikom dijelu javnosti i upravo zbog toga ovaj dokument treba građanima pomoći da razumiju budžet. Nije najvažnije da budžet bude dostupan javnosti, već je podjednako važno da budžet bude pristupačan i razumljiv.

Budžet za građane predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu populacije.

Dokumentom koji je pred vama nastojali smo da kroz slikovite tabele, grafikone i dijagrame prikažemo prihode, rashode, javni dug, raspodjelu sredstava po projektima, oblastima itd.

Budžet Općine je jednogodišnji dokument, kojeg priprema načelnik u saradnji sa općinskim službama/sektorima, a usvaja ga Općinsko vijeće. Budžet ima karakter finansijskog plana Općine za jednu godinu i predstavlja prognozu, ali je i više od toga: odredbe budžeta su obavezujuće za općinske organe na rashodovnoj strani i predviđeni izdaci se ne bi smjeli prekoračivati bez rebalansa budžeta, odnosno bez izmjene budžeta po istoj proceduri po kojoj je donijet. Sadržaj budžeta obično čine razvijeni spisak prihoda i rashoda, zajedno sa njihovim planiranim iznosima za sljedeću godinu, kao i pratećim odredbama. Način na koji je formulisan budžet jednog organa uprave većini građana je nejasan i nerazumljiv. Iz tog razloga radi se tzv. Budžet za građane koji možete naći u mnogim razvijenim zemljama, a na mala vrata ulazi i u BiH.

Budžet za građane je svojevrsni izvještaj predstavljen u pristupačnom formatu, koristi jednostavan i jasan jezik koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji, postavljati pitanja koja osiguravaju da vlast objašnjava ono šta radi u njihovo ime.

Budžet Općine Stari Grad Sarajevo za 2023. godinu 20.903.900,00 KM.



Budžet - Kraljeva kes

Riječ “budžet” potiče od stare francuske riječi za malu kožnu torbicu. Kasnije se značenje promijenilo, pa je ista riječ označavala kraljevu kesu, odnosno biti plaćen iz budžeta značilo je dobiti novac iz kraljeve kes

Ko finansira pojedine nadležnosti?

Općina Stari Grad Sarajevo, kao jedinica lokalne samouprave u FBiH, obavlja poslove iz samostalne nadležnosti i poslove koji su joj preneseni posebnim zakonima i propisima. Uzimajući u obzir cjelokupnu ekonomsku situaciju, općina se u određenoj mjeri uključuje u finansiranje projekata i davanje pomoći pojedinim kategorijama stanovništva, koji nisu u direktnoj nadležnosti lokalnih nivoa vlasti. U narednoj tabeli prikazane su oblasti koje Općina finansira potpuno, većim dijelom (zakonskim propisima podijeljena nadležnost sa višim nivoima vlasti), u određenoj mjeri (nadležnost drugih nivoa vlasti), ili koristi donatorska sredstva.

Učešće Općine u finansiranju	Uglavnom finansira Općina (podijeljena nadležnost)	Potpuno finansira Općina (direktna nadležnost)	U manjoj mjeri finansira Općina (nadležnost drugih nivoa vlasti)	Ne finansira Općina (donatorska sredstva)
Imovinsko- pravni i stambeni poslovi	X			
Zaštita okoliša i privreda (poljoprivreda, zanatstvo, šumarstvo, ugostiteljstvo)			X	
Civilna zaštita	X			
Komunalne i druge djelatnosti		X		X
Investicije		X		X
Urbanizam i prostorno uređenje	X			
Boračka zaštita	X		X	
Socijalna i zdravstvena zaštita	X		X	
Opća uprava (takse, matični ured i sl.)	X			
Obrazovanje	X		X	
Kultura i sport	X		X	
Lokalni razvoj i OCD	X			X

Budžetski proces i budžetski kalendar

Budžetski proces se zasniva na analizi ostvarenja prihoda u proteklom periodu, procjenama ekonomske osnove, prioritarnim ciljevima i poslovima iz nadležnosti Općine Stari Grad, planiranim projektima i programima.

Budžetski kalendar zasniva se na odredbama Zakona o budžetima FBiH, a u skladu je sa Programom rada Općinskog načelnika i Općinskog vijeća Stari Grad Sarajevo. Aktivnosti, prema budžetskom kalendaru počinju već u februaru tekuće godine, kada se izrađuje informacija o ekonomskoj fiskalnoj politici za tekuću godinu i procjena kretanja za naredne tri godine. Već u martu svi budžetski korisnici dostavljaju prijedloge prioriteta za izradu Dokumenta okvirnog budžeta (DOB) koji se usvaja najkasnije u šestom mjesecu.

Služba za privredu budžetskim korisnicima dostavlja uputstvo za pripremu zahtjeva za dodjelu sredstava iz budžeta, rokove i ograničenja u pogledu potrošnje. Potom, budžetski korisnici dostavljaju zahtjeve za odobravanje rashoda sa planiranim iznosima, a na osnovu toga pristupa se izradi Nacrta budžeta.

Nacrt budžeta obavezno sadrži: detaljan prikaz javnih prihoda i rashoda budžeta, prijedlog upotrebe budžetskog suficita, odnosno izvore za finansiranje budžetskog deficita, funkcionalnu klasifikaciju izdataka budžetskih korisnika, prihode i izdatke svakog budžetskog korisnika u skladu sa prihodima i izdacima, klasifikacije računskog plana, visinu tekuće rezerve koja ne može biti veća od 3% budžetskih prihoda bez primitka.

Nacrt budžeta se upućuje na usvajanje Općinskom vijeću Stari Grad Sarajevo. U ovoj fazi moguće je učešće građana putem NVO-a i grupa građana, kroz dostavljanje zahtjeva vijećnicima ili radnim tijelima Vijeća.

Općinsko vijeće utvrđuje Nacrt budžeta i upućuje ga u javnu raspravu u kojoj učestvuju: Općinsko vijeće i njegova radna tijela, političke stranke, odnosno Klubovi vijećnika, nadležna radna tijela Općinskog vijeća, savjeti MZ-a, građani i udruženja građana sa područja općine Stari Grad Sarajevo. Nacrt budžeta objavljuje se u dnevnim novinama i na općinskoj web stranici www.starigrad.ba. Primjedbe i sugestije dati tokom javne rasprave moraju se dostaviti u pisanoj formi.

Nakon završene javne rasprave, primjedbe i sugestije se sumiraju i u skladu s mogućnostima ugrađuju u tekst Prijedloga budžeta. Prijedlog budžeta dostavlja se Općinskom vijeću na usvajanje. U ovoj fazi izrade budžeta postoji indirektna mogućnost učešća građana putem amandmanskog djelovanja vijećnika. Općinsko vijeće usvaja Budžet koji se potom objavljuje u Službenim novinama Kantona Sarajevo, a budžetski korisnici se obavještavaju o iznosima odobrenih sredstava.



Tabalarni prikaz budžetskog kalendara, gdje su crvenom bojom naglašeni mjeseci kada se građani mogu uključiti u kreiranje budžeta i na koji način

Februar	Služba za finansije priprema informaciju o ekonomskoj fiskalnoj politici za tekuću godinu i procjenu kretanja za naredne tri godine (trogodišnji nivo) – najkasnije do 15. februara
Mart	Budžetski korisnici dostavljaju prijedloge prioriteta za izradu Dokumenta okvirnog budžeta (DOB) – najkasnije do 15. marta
Maj	Služba za finansije priprema Dokument okvirnog budžeta (DOB) i dostavlja Općinskom načelniku – najkasnije do 15. maja
Juni	Općinski načelnik usvaja Dokument okvirnog budžeta (DOB) – najkasnije do 30. juna. Po usvajanju DOB se objavljuje na općinskoj web stranici www.starigrad.ba
Juli	Služba za finansije izrađuje i dostavlja uputstva budžetskim korisnicima u pogledu pripreme zahtjeva za dodjelu sredstava iz budžeta, rokova za podnošenje zahtjeva, te ograničenja u pogledu potrošnje – najkasnije do 15. jula
August	Budžetski korisnici (službe i sektori) dostavljaju zahtjeve za dodjelu budžetskih sredstava Službi za finansije – najkasnije do 15. augusta. Kroz zahtjeve službi i sektora mogu biti ispoljene potrebe građana koji djeluju putem NVO-a ili udruženja građana.
Septembar	Općinski načelnik, Služba za finansije, pomoćnici načelnika i rukovodioci službi/sektora razmatraju procjene prihoda i zahtjeva za odobravanje rashoda budžetskih korisnika, konsoliduju i utvrđuju visinu sredstava za svakog budžetskog korisnika – najkasnije do 15. septembra
Oktobar	Služba za finansije priprema Nacrt budžeta Općine Stari Grad Sarajevo i upućuje ga na usvajanje Općinskom vijeću Stari Grad Sarajevo. Moguće je učešće građana putem NVO-a i grupa građana, kroz dostavljanje zahtjeva vijećnicima ili radnim tijelima vijeća. Općinsko vijeće utvrđuje Nacrt budžeta i upućuje ga u javnu raspravu u kojoj učestvuju: Općinsko Vijeće i njegova radna tijela, političke stranke odnosno klubovi vijećnika, nadležna radna tijela Općinskog vijeća, savjeti MZ-a, građani i udruženja građana sa područja općine Stari Grad Sarajevo.
Decembar	Nakon završene javne rasprave, primjedbe i sugestije se sumiraju i eventualno ugrađuju u tekst Prijedloga budžeta. Prijedlog budžeta dostavlja se Općinskom vijeću na usvajanje. Indirektna mogućnost učešća građana putem amandmanskog djelovanja vijećnika. Općinsko vijeće usvaja Budžet koji se potom objavljuje u Službenim novinama Kantona Sarajevo, a budžetski korisnici se obavještavaju o iznosima odobrenih sredstava

Budžet za 2023. godinu

Općinsko vijeće Stari Grad Sarajevo utvrdilo je Nacrt budžeta Općine Stari Grad Sarajevo za 2023. godinu na sjednici održanoj 21.10.2022. godine i uputilo ga u javnu raspravu u trajanju od 15 (trideset) dana. Prijedlozi i sugestije na Nacrt budžeta mogli su se dostaviti najkasnije do 15. novembra 2022. godine.


Budžet Općine Stari Grad Sarajevo za 2023. godinu u iznosu od **20.903.900,00 KM** je donijelo Općinsko vijeće na sjednici održanoj 29. novembra 2022. godine.

Kako se puni budžet Općine Stari Grad Sarajevo?

PRIHODI

Planirani prihodi sastoje se od:

- prihoda od poreza 6.839.300,00 KM;
- prihoda od poduzetničkih aktivnosti i imovine 8.914.100,00 KM;
- naknada, taksi i prihoda od pružanja javnih usluga građanima 4.294.500,00 KM;
- novčanih kazni 56.000,00 KM;
- tekućih potpora 800.000,00 KM.



Struktura planiranih prihoda u Budžetu za 2023. godinu


Porezni prihodi sastoje se najvećim dijelom od indirektnih poreza, poreza na imovinu i poreza na dohodak. Općina nema direktan utjecaj na ostvarenje poreznih prihoda s obzirom na to da se oni prate i raspoređuju na višim nivoima vlasti, a planirani su u iznosu od 6.839.300,00 KM.

Neporezne prihode čine prihodi od poduzetničkih aktivnosti i imovine (planirani u iznosu od 8.914.100,00 KM, a odnose se na prihode od iznajmljivanja poslovnih prostora, stanova, zakupa garaža i sala, prodaje imovine, kamate, itd.), naknade, takse i prihodi od pružanja javnih usluga građanima (planirani u iznosu od 4.294.500,00 KM, a odnose se na zauzimanje javnih površina, sredstva rente građevinskog zemljišta, općinske komunalne takse, naknade za isticanje reklama i transparentata, itd.) i novčane kazne (planirane u iznosu od 56.000,00 KM, a odnose se na novčane kazne po općinskim propisima i ostale novčane kazne).

Tekuće potpore se odnose na grantove drugih nivoa vlasti i namijenjeni su za finansiranje i sufinansiranje projekata od zajedničkog interesa i čine svega 4% ukupno planiranih sredstava ili 800.000,00 KM.

RASHODI

Pored rashoda planiranih za obavljanje osnovne djelatnosti u skladu sa zakonskim nadležnostima, rashodi i izdaci su planirani na osnovu ciljeva i projekata, programa rada Općinskog načelnika i potreba mjesnih područja.



Struktura planiranih rashoda i izdataka u Planu budžeta budžeta za 2023. godinu

Investicije i komunalno

Više od 3.000.000 KM planirano je za ulaganje u investicije i komunalne poslove u 2023. godini.

U oblasti komunalnih poslova planirana su značajna sredstva za sanaciju infrastrukture i osiguranje što boljih životnih uslova građana općine Stari Grad. U skladu sa prilikom sredstava u budžet, u sljedećoj godini planira se asfaltiranje ulica: Čeljigovići broj 55-69; Budžak; Bistrik basamacu od broja 9 do spoja sa ulicom Za beglukom; Balibegovica čikma; Dženića čikma; Pod Hridom od broja 20 do broja 22; Prijepoljčeva; Abdesthana broj 3-13; Okrugla broj 2-52; Paje sokak broj 34-52; Paje broj 31-34 prema ulici Begovac; Grlica; Save Skarića između brojeva 25 i 27; Hadžijska ravan broj 6-22; Obhodža broj 16-24 i 21-27; krak Hladivode broj 136-165; Sedrenik kod broja 92; Ablakovina; Žagrići – I faza; Tale Ličanina do broja 12; Krka kod broja 10 i 12; sanacija dijela ulice Bistrik od broja 45-79 i nastavak ulice Krka prema ulivnoj građevini Bistričkog potoka; dio ulice Nevjestina; Za beglukom - plato Širokača; Niže banje; Iza Hrida od Osnovne škole do ulice Nalina; Obhodža lipe - dio ulice; Gornje Čebedžije od broja 22 do broja 26; Jekovac - dio ulice; Trčivode od broja 7 do ulice Hošin brijeg i Braća Morići; Nova Baruthana broj 31-34.

Planirana su ulaganja u rekonstrukciju kanalizacione i vodovodne mreže:

Rekonstrukcija separatne kanalizacione mreže u ulici Mačkareva-II faza; rekonstrukcija kanalizacione i vodovodne mreže u ulici Alije Nametka broj 22-46; rekonstrukcija vodovodne i kanalizacione mreže u dijelovima ulica Paje, Paje sokak i Begovac.



Popločavanje i kaldrme planirani u 2023. godini

Stepenište Grličića brdo preko puta džamije; kaldrma i stepenište Krka broj 1-5; stepenište Džeka kod broja 17; Mačkareva; Tabijska; Donje Čebedžije; Hadžijska ravan 33-95-sanacija i uređenje pješačke staze.

Potporni zidovi planirani u 2023. godini

Izgradnja zida Braće Morić broj 11; sanacija zida Garaplina broj 5, izgradnja zida Paje broj 52; izgradnja zida Sulejmana Zolja broj 13; izgradnja zida Alije Nametka broj 34-36; izgradnja zida Boguševac broj 27; izgradnja zida Ispod oraha 12-18; izgradnja zida Ramića banja (raskrsnica ulica Sedrenik i Ramića banja); Mustaj bega Ličkog (kod kontejnera); Prvi bataljon Sedrenik kod broja 110; Bajramuša broj 6.



	NAZIV PROJEKTA	BUDŽET ZA 2023. GODINU
1	Asfaltiranje ulica	1.055.000
2	Krpljenje ulica	60.000
3	Izgradnja i rekonstrukcija vodovodne i kanalizacione mreže	700.000
4	Zimsko održavanje ulica	350.000
5	Potporni zidovi, rukohvati, odbojne ograde i putni odbojnici	180.000
6	Popločavanje i kaldrma, sanacija oštećenih ploča na šetnicama	250.000
7	Numerisanje kuća, sanacija stambenih jedinica	203.000
8	Izrada projektno-tehničke dokumentacije	110.000
9	Niše za smeće, uređenje javnih površina, slivnici, rešetke i poklopci, horizontalna i vertikalna signalizacija	89.000
10	Sanacija javne rasvjete	50.000
11	Uređenje Aleje ambasadora	40.000
12	Grant za obnovu vjerskih i kulturno-historijskih spomenika	100.000
	Ukupno	3.187.000,00

Izdvajanja iz oblasti obrazovanja, kulture i sporta

Općina Stari Grad Sarajevo na godišnjem nivou izdvaja značajna finansijska sredstva u cilju obezbjeđivanja što povoljnijih uslova učenicima i nastavnom osoblju za njihov rad i boravak u školama.

Za aktivnosti iz oblasti iz obrazovanja, kulture i sporta u 2023. godini planirana su sredstva u iznosu od 959.000,00 KM.

Općina Stari Grad Sarajevo putem javnog poziva dodjeljuje stipendije nadarenim učenicima i studentima s ciljem promicanja znanja i motiviranja njihovog rada i zalaganja, te stipendira učenike/šegrote starih deficitarnih zanata s ciljem očuvanja istih od izumiranja.

Kroz planirana sredstva iz budžeta Općine za 2023. godinu za učenike slabijeg imovinskog stanja finansiraju se troškovi nabavke udžbenika za učenike od I – IV razreda osnovne škole, troškovi užina, troškovi odlaska na ekskurziju i troškovi produženog boravka za učenike slabijeg imovinskog stanja.

Na osnovu sporazuma sa Ministarstvom saobraćaja Kantona Sarajevo, za učenike koji žive u naseljima gdje nije uspostavljen redovan gradski saobraćaj, ova jedinica lokalne samouprave obezbjeđuje alternativni vanlinijski prevoz za učenike na relaciji kuća-škola-kuća.

Planiranim budžetskim sredstvima finansiraju se i sufinansiraju kulturne manifestacije od značaja za građane starogradske općine, kao i aktivnosti koje se realizuju u svrhu njegovanja kulturno-historijske baštine (podrška u radu kulturno umjetničkim društvima).

Animiranje građana svih starosnih dobi u posjetama pozorišnim predstavama ujedno predstavlja i podršku u radu kulturnim ustanovama koje realizuju aktivnosti iz kulturno-umjetničkog stvaralaštva. Finansijska podrška ove jedinice lokalne zajednice ne izostaje ni u projektima sportskih udruženja, ali ni sportistima za odlazak na sportska takmičenja.

Inkluzivnim djelovanjem nastojimo omogućiti i olakšati proces učenja i stvaranje podsticajnog okruženja za sugrađane sa poteškoćama u razvoju, te nastojimo da pružimo svaki vid podrške u programskim aktivnostima ustanovama i udruženjima koja se bave ovom populacijom stanovništva (prevoz za djecu sa poteškoćama u razvoju i sl.).

U prilogu je tabelarni prikaz izdvajanja u oblasti obrazovanja, kulture i sporta.



NAZIV PROJEKTA		BUDŽET ZA 2023. GODINU
1	Prevoz	370.000,00
2	Stipendije (za nadarene učenike/studente i učenike iz deficitarnih zvanja/zanimanja)	242.000,00
3	Socijalna inkluzija (sufinansiranje školarina, ekskurzija, užina, produženog boravka, nabavke udžbenika)	100.000,00
4	Grantovi za aktivnosti iz oblasti kulture	61.000,00
5	Lige osnovnih škola	14.000,00
6	Sufinansiranje sportskih projekata	57.000,00
7	Održavanje tradicionalnih turnira povodom obilježavanja značajnih datuma	8.000,00
8	Grant za školu plivanja	10.000,00
9	Grant za zimovanje	10.000,00
10	Prevoz djece sa invaliditetom	30.000,00
11	Grant kategorisanim sportašima	10.000,00
12	Tekući transferi vjerskim zajednicama	15.000,00
13	Inkluzija kroz kulturu i sport	22.000,00
14	Grant školama za nastavne i vannastavne aktivnosti	10.000,00
Ukupno		959.000,00



Služba za lokalni razvoj i poslove mjesnih zajednica i podrška organizacijama civilnog društva

Lokalni razvoj Općine Stari Grad i u 2023. godini kao okosnicu svog djelovanja imat će realizaciju infrastrukturnih i drugih projekata donatorskim sredstvima koja se osiguravaju kroz projekte koje radi ova organizaciona jedinica, zatim projektne aktivnosti u oblasti zapošljavanja kroz regresiranje kamatne stope za privrednike i finansiranje pokretanja biznisa, brigu o osobama treće životne dobi itd. Također, lokalni razvoj podrazumijeva i stalno ažuriranje, iniciranje i izradu projektnih prijedloga, te izradu programa kojima Općina aplicira na javne pozive.

Za zapošljavanje ove godine je planirano 65.000 KM i to: 50.000 KM za sufinansiranje pokretanja biznisa i 15.000 KM za regresiranje kamatne stope. U ovoj godini planirana je realizacija projekta pod nazivom Unapređenje sistema energetske efikasnosti u OŠ „Šejh Muhamed ef. Hadžijamaković“ (I faza) u iznosu od 50.000 KM, te utopljavanje OŠ „Edhem Mulabdić“ (centralni objekat) 530.000 KM, a iznos od 20.000 KM namijenjen je za brigu o osobama treće životne dobi.

Za realizaciju projekata OCD po Javnom pozivu u toku 2023. godine, planirana su novčana sredstva u iznosu od 80.000 KM.

Tabelarni prikaz raspodjele sredstava za lokalni razvoj i podršku organizacijama civilnog društva.

NAZIV PROJEKTA		BUDŽET ZA 2023. GODINU
1	Projektne aktivnosti	655.000,00
2	Zapošljavanje	65.000,00
3	Briga o osobama treće životne dobi	20.000,00
4	Rekonstrukcija odgojno-obrazovnih ustanova	580.000,00
5	Mladi	8.000,00
6	Realizacija projekata OCD po Javnom pozivu	80.000,00
Ukupno		1.408.000,00



Izdvajanja u oblasti poljoprivrede

Za podsticajna sredstva u cilju razvoja poljoprivredne proizvodnje na području općine Stari Grad Sarajevo u 2023. godini planirano je 268.000,00 KM. Izdavanjem ovih sredstava nastavit će se trend podrške razvoju poljoprivredne proizvodnje u ruralnim dijelovima općine kroz podjelu i montažu plastenika, podsticaj stočarske proizvodnje, pčelarstva, voćarstva, povrtlarstva na otvorenom, povrtlarstva u zaštićenom prostoru (plastenicima), poljoprivredna mehanizacija za obradu zemljišta, poljoprivredna oprema za skladištenje i preradu poljoprivrednih proizvoda.

U 2023. godini u planu je podjela plastenika, pčelarske opreme, sadnog materijala za plastenike i sjemenskog materijala za proizvodnju na otvorenom. U okviru projekta iz oblasti stočarstva nastavit će se podsticanje razvoja govedarstva, ovčarstva, kozarstva, peradarstva i zdravstvene zaštite životinja. Za razvoj stočarstva i uspješnu poljoprivrednu proizvodnju jedan od preduslova je konstantan nadzor nad zaraznim bolestima domaćih životinja.

	NAZIV PROJEKTA	BUDŽET ZA 2023. GODINU
1	Stimulisanje plasteničke proizvodnje (nabavka plastenika i sadnog materijala)	110.000,00
2	Stimulisanje poljoprivredne proizvodnje	60.000,00
3	Projekti iz oblasti stočarstva sa nabavkom mehanizacije i stočne hrane	60.000,00
4	Zdravstvena zaštita, prevencija i nadzor domaćih životinja	15.000,00
5	Projekti iz oblasti voćarstva	8.000,00
6	Projekti iz oblasti pčelarstva	15.000,00
Ukupno		268.000,00 KM



Raspodjela sredstava civilne zaštite

Pregled strukture planirane potrošnje sredstava iz Budžeta Općine Stari Grad Sarajevo, ostvarenih u skladu sa članom 179. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06, 43/10)

- Planom utroška finansijskih sredstava za 2023. godinu, planirani su izdaci za rad Službe civilne zaštite Općine Stari Grad Sarajevo i izdaci koji proizilaze iz nadležnosti Općine, propisani članom 29. i 30. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06, 43/10) i Zakona o zaštiti od požara i vatrogastvu („Službene novine Federacije Bosne i Hercegovine“, broj: 64/09).
- U skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12, 80/13 i 20/20) i članom 184. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06, 43/10) sredstva posebne naknade služe isključivo za:
 - Pripremanje, opremanje i obuku općinskih štabova civilne zaštite, službi zaštite i spašavanja i jedinica civilne zaštite koje organizira Općina, povjerenika civilne zaštite Općine, kao i troškove koji nastanu tokom njihovog učešća u provođenju mjera zaštite i spašavanja po naređenju Općinskog štaba civilne zaštite
 - Opremanje pravnih lica u dijelu kada postavljeni zadaci tim licima nadilaze njihove materijalne mogućnosti
 - Prilagođavanje i održavanje drugih zaštitnih objekata potrebama sklanjanja ljudi i materijalnih dobara
 - Nabavku i održavanje sistema za uzbunjivanje stanovništva
 - Saniranje dijela šteta nastalih prirodnom i drugom nesrećom u skladu sa svojim materijalnim mogućnostima
 - Druge potrebe zaštite i spašavanja u skladu sa zakonom i drugim propisima

OPĆINSKI BUDŽET		BUDŽET ZA 2023. GODINU
1	Gorivo za prijevoz	3.000,00
2	Naknade članovima Štaba civilne zaštite Općine Stari Grad Sarajevo	16.000,00
3	Grant Udruženju Vatrogasno društvo „Vratnik“	50.000,00
4	Izdaci za poreze i doprinose na dohodak od druge samostalne djelatnosti povremenog samostalnog rada	1.000,00
UKUPNO		70.000,00

Služba za boračko-invalidsku i socijalnu zaštitu

Planirana sredstva za izdvajanje iz oblasti boračko - invalidske i socijalne zaštite u Budžetu za 2023. godinu iznose 1.822.200 KM.

Za stipendiranje djece boračke populacije za 2022/2023. godinu planirano je 355.000 KM.

Za jednokratnu socijalna pomoć stanovništvu u šta spadaju socijalna pomoć za liječenje građana, grant po osnovu zdravstvene zaštite lica u stanju socijalne pomoći i nabavka ogrjeva za socijalno ugrožene porodice, planira se izdvajanje 890.000 KM.

Za humanitarne organizacije i javne kuhinje koje djeluju na području općine planira se iznos od 120.000 KM, dok je za redovnu djelatnost boračkih udruženja iz Starog Grada planirano 60.000 KM. U 2023. godini je planirano 100.000 KM za grantove porodiljama iz starogradske općine.

U tabelarnom prikazu predstavljene su i ostale raspodjele sredstava iz oblasti boračko - invalidske i socijalne zaštite:

	NAZIV PROJEKTA	BUDŽET ZA 2023. GODINI
1	Stipendije učenicima I studentima boračke populacije	355.000
2	Jednokratna socijalna pomoć stanovništvu, Socijalna pomoć za liječenje građana, grant po osnovu zdravstvene zaštite lica u stanju socijalne pomoći, nabavka ogrjeva za socijalno ugrožene porodice	890.000
3	Grantovi humanitarnim organizacijama i javnim kuhinjama	120.000
4	Isplata naknada za oboljelu djecu	180.000
5	Grant za porodilje Općine Stari Grad	100.000
6	Grantovi boračkim organizacijama za redovnu djelatnost	60.000
7	Grant pojedincima za Dan Općine i Dan šehida	40.000
9	Tekući grantovi vjerskim zajednicama	15.000
11	Kupovina knjiga, tableta i školskog pribora za djecu iz socijalno ugroženih kategorija, sufinansiranje školarine učenicima iz socijalno ugroženih kategorija	30.000
12	Grant za vantjelesnu oplodnju	25.000
13	Socijalna pomoć paraplegičarima	7.200
Ukupno		1.822.200,00



Budžet za građane Općine Stari Grad Sarajevo predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu građana.

Budžet za građane je dokument pisan jednostavnim i jasnim jezikom koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji i postavljati pitanja koja osiguravaju da vlast objašnjava ono što radi u njihovo ime.

Pogledajte Budžet za građane, a u slučaju da je ostalo nešto nejasno i nedorečeno, kontaktirajte nas na dole navedene adrese.



Kontakt sa građanima:



+00 38733282343



info@starigrad.ba
edina.osmanagic@starigrad.ba



Općina Stari Grad Sarajevo
Zelenih beretki 4

Impressum:

Izdavač: Općina Stari Grad Sarajevo

Pripremili: Služba za odnose s javnošću i informacioni sistem

Grafički dizajn: Safet Mališević

Sarajevo, januar, 2023. godine